

未3

645

審視瑤函  
卷五

傅氏眼科審視瑤函大旨

卷之五目錄

瞻視昏渺症

明目地黄丸

龜鹿二仙膏  
二七五子丸

地黄丸

洞見碧霄  
又方

睛黃視渺症

葛花解毒飲

乳澀昏花症

四物五子丸

黃牛膽煎  
又方

坐起生花症

加減駐景丸 止痛散 一摩頂膏

雲霧移睛症

猪苓散 蕤仁丸 摩頂膏 羚羊羌活湯

治眼花見物法

螢星滿目症

滋陰降火湯 加味坎離丸

神光自現症

補水寧神湯

黑夜睛明症

加減八味丸

視正反斜症

補陽湯

連藥益陰丸

升陽瀉陰湯

視定反動症

鈎膝散

視物顛倒症

羚羊角散

視一爲二症

補肝散

視赤如白症

復明湯

遲神散大症

羌活退翳丸

瀉腎湯

調氣湯

清痰飲

瞳神縮小定

清腎損陽丸

能遠怯近症

地芝丸  
六味地黃丸

能近怯遠症

定志充  
補腎磁石丸

神水將枯症

滋腎丸  
補腎丸  
調中益氣湯

聚開障症

生熟地黃丸

棗花障症

羚羊角飲子

圓翳障症

空青丸

羚羊角飲子

水晶障翳症

七寶丸

劍脊翳症

七寶湯

魚鱗障症

羚羊角散

暴盲症

知朱道适飲

柴胡參朮湯

熊膽丸

獨參湯

青盲症

鎮肝明目羊肝丸

復明丸

又方

本事方

高風障症

人參補胃湯

補中益氣湯

轉光丸

還明散

青風障症

羚羊角湯

綠風障症

半夏羚羊角散

羚羊角散

烏風障症

白附子湯

涼膽丸

偃月障症

補肝散

墜翳丸

如銀障症

石決明散

瞳神欹側症

生犀角丸



醫神珠函 卷之五 目錄

瞳神返盲症

鎮心丸

還睛丸

退氣散血飲

還時丸

退氣散血飲

傅氏眼科審視瑤函卷之五

秣陵傅仁宇允科纂輯

增張文凱廷獻叅閱

廣陵林長生聲震較補

男傅維藩國棟編集

甥張秀徵珩訂正

公猷

掄

大梁周靖公亮節較梓

體仁

顓

全次

運氣原證

按內經原氣所乘。風燥火侵。或水衰金弱。木侮所勝。民病

曰昏。大要有四。一曰風熱經曰少陰司天之政。風熱參

布。雲物沸騰。太陰橫流。寒乃時至。往復之作。民病聾瞑

此風熱參布目昏也。二曰熱經云少陰在泉。熱淫所勝

病目瞑治以鹹寒。此熱勝目昏也。三曰風經云歲水不及濕。乃大行。復則大風暴發。目視眈眈。此風勝目昏也。四曰燥。經云陽明司天。燥淫所勝。目昧眇傷。治以苦熱是也。

目昏

經云腎足少陰之脈動則病。生目眈眈如無所見。又云少陰病目眈眈無所見者。陰內奪故目眈眈。

無所見也。此蓋房勞目昏也。左腎陰虛。右腎陽虛。劉河間曰。目昧不明。熱也。然左府者無物不有。人之臟腑皮毛肌肉筋膜骨髓瓜牙至於世人萬物盡皆。有之。乃氣出入升降之道路門戶也。人之眼耳鼻舌。身意神識能為用者。皆升降出入之通利也。有所閉塞者。不能為用也。目無所見。耳無所聞。鼻不知臭。舌不知味。筋痿骨痺。瓜退齒腐。毛髮墮落。皮膚不仁。腸胃不能滲洩者。悉由熱氣弗鬱。左府閉塞而致氣生。血脈榮衛精神不能升降出入故也。各隨鬱維微甚。而為病之重輕。故如熱鬱於目。則無所見也。故目微。

昏者雖至近轉難辨物由目之玄府閉塞如隔  
物之象也或視如蠅翼者立府有所閉塞者或目  
昏而見黑花者山熱氣甚而發之於目亢則害承乃  
制而反出其淚泣氣液眩之以其至近故雖微而亦  
見如黑花也。○婁全善曰誠哉河間斯言也。目盲耳  
聾鼻不聞坎舌不知味手足不能運用者皆由玄府  
閉塞而神氣出入升降之道路不通故也。故先賢治  
目昏花如羊肝丸。用羊肝引黃連等藥入肝解肝中  
諸鬱蓋肝主目肝中鬱解則目之玄府通利而明矣  
故黃連之類解鬱熱也。椒目之類解濕熱也。芫蔚之  
類解氣鬱也。芎歸之類解血鬱也。木賊之類解積鬱  
也。羌活之類解經鬱也。磁石之類收欽真氣精華歸  
明于目也。蔓菁下氣通中理亦同也。凡此諸劑皆治  
氣血鬱結目昏之法而河間之言不誣矣。至於東  
垣丹裕治目昏用參耆補血氣亦能明目又必有說  
通之蓋目主氣血盛則玄府得通利出入升降而明  
虛則玄府不能出入升降而昏此則必用  
參耆四物湯等劑助氣血運行而明也

瞻視昏渺症

視瞻昏渺有多端血少神勞與損元若是人年過五十要  
明須是覓仙丹曾經病目後昏渺各尋緣。

此症謂目內外無症候但自視昏渺朦朧不清也有神  
勞有血少有元氣弱有元精虧而昏渺者若人年五十  
以外而昏者雖治不復光明其時猶月之過望天真日  
衰自然目光漸衰不如一元還返之初雖妙藥難回故  
曰不復愈矣此章專言平人之昏視非若因自病昏渺  
之比各有緣故須當分別凡目病外障而昏者由障遮  
之故欲成內障而昏者細視瞳內必有氣色若有障治  
愈後而昏渺者因障遮久滯澀其氣故光隱耗當培其

本而光自發有因目病漸發漸生痛損經絡血液溜少  
故光華虧耗而昏有因目病失治其內寒熱過傷及開  
導鍼烙炮熨失當而損因傷其血氣耗其精華而昏者  
以上皆宜培養根本乘其初時而治之久則氣脉定雖  
治不愈若目因痛而昏暗者此因氣滯火壅絡不和暢  
而光澀譬之烟不得透徹故火光不明如目暴痛愈後  
尚昏者血未充足氣未和暢也宜慎養以免後患若目  
病久愈而昏渺不醒者必因六慾七情五味四氣瞻視  
哭泣等故有傷目中氣而精液脉絡也宜早調治若人  
未五十目又無痛赤內障之病及斲喪精元之因而昏

審補... 名... 三... 言... 生...  
渺無精彩者。其人不壽。凡人年在精強。而多喪其元真。  
或苦思勞形。縱味久患。頭風素多。哭泣。婦女經產損血。  
兩目內外。別無症候。但覺昏花。月復月。而年復年。漸漸  
昏渺者。非青盲。卽內障也。宜服。

明目地黃丸

治腎虛目  
暗不明

熟地黃

焙乾  
四兩 生地黃

酒洗 山藥

澤瀉

山茱萸

去核  
酒洗

牡丹皮

酒洗 柴胡

茯神

乳蒸  
乾 當歸身

酒洗 五味子

一兩

炒乾各

右爲細末。煉蜜爲丸。如桐子大。每服三錢。空心淡鹽湯

送下。忌蘿蔔。

精生氣。氣生神。故腎精一虛。則陽光獨治。陽光獨治。則

壯火食氣無以生神。令人目暗不明。王冰曰：壯水之主，以制陽光。故用生熟地黃、山萸、五味、當歸、丹皮、澤瀉、味厚之屬，以滋陰養腎。滋陰則火自降，養腎則精自生。用山藥者，所以益脾血，培萬物之母。茯神者，所以養神而生明照之精。柴胡者，所以升陽而致神明之氣於精明之窠也。孫思邈曰：中年之後，有目疾者，宜補不宜瀉。可謂開萬世之朦矣。

龜鹿二仙膏

此膏最治虛損，夢泄遺精，瘦削少氣，目視不明等症。久服大補精髓，益氣養神。

鹿角二斤

龜板一斤

枸杞六兩

人參三兩

右將鹿角截碎，龜板打碎，長流水浸三日，刮去垢，入砂



鍋用河水慢火魚眼湯。桑柴煮三晝夜不可斷火。當添滾水不可添冷水。至三日取出晒乾碾爲末。另用河水將末并枸杞人參又煮一晝夜。濾去滓。再慢火熬成膏。初服一錢五分。漸加至三錢。空心無灰酒化下。

精氣神。人身之三寶也。經曰。精生氣。氣生神。是以精損極則無以生氣。以致瘦削。少氣。氣少則無以生神。以致目昏不明。鹿得天地之陽氣最全。善通督脉。足於精者。故能多淫而壽。龜得天地之陰氣最厚。善通任脉。足於氣者。故能伏息而壽。其角與板。又二物聚精氣神之最勝者。取而爲膏以補之。所謂補以類也。且二物氣血之

屬非草木藥之可比。况又得造化之玄微，異類有情，以血氣而補血氣之法也。人參爲陽，補氣中之怯；枸杞爲陰，清神中之火，是膏也。補陰補陽，無偏治之失。入氣入血，有和平之美。由是精日生而氣日旺，氣日旺而神日昌。庶幾享龜鹿之年矣。故曰二仙。

三仁五子丸

治肝腎不足，體弱眼昏，內障生花，不計近遠。

栝子仁

肉苳蓉

酒浸製

車前

酒浸炒

苡仁

酸棗仁

去殼炒

杞枸杞

酒蒸焙乾

兔絲

酒煮焙乾

當歸

酒洗炒

覆盆子

酒蒸

沉香

銼末五錢

白茯苓

乳拌蒸晒乾，各二兩

五味子

焙乾一兩

熟地黄

三兩酒水煮，爛濃搗膏

右除沉香末，熟地膏另入，餘爲細末，煉蜜爲丸。如桐子。

大每服五十九。空心青鹽湯送下。即白滾湯亦可。

地黃丸

一名菊花丸。治用力勞心。肝虛風熱攻眼。赤腫羞明。漸生翳膜。兼肝腎風毒熱氣上面而目痛久

視傷血。血主肝。故動書則傷肝。面目昏。肝傷則本生風而熱氣上凌。目昏赤澇。不宜專服補藥。當益血鎮肝而目自明矣。

熟地黃

一兩半

防風

川羌活

桂心

白菊花

沒藥

明礞砂

各五錢

黃連

決明子

各一兩

右為細末。煉蜜為丸。如桐子大。每服三錢。食後沸湯送

下。每日三次。

洞見碧霄

此鷹鷲鼠睛三法點目之說。似乎不經。然載醫統。故錄之。俟高明酌用。

用鷹眼一對。炙乾為末。研令極細。以人乳汁再研。每以

簪脚少挑點於瞳人上。日夜三度。可以夜見物。或如蟻  
月的鵝眼。依上法用効。三日能見霄中之物。

又方

點口能見妖魔。不能遁形。用鷺鳥眼汁。注口中則見妖  
物神鬼。

睛黃視渺症

風輪好似黃金色。視亦昏朦。清不得薰蒸濕熱。入睛。瞳清  
氣每遭濁氣。滯壯年不肯聽醫言。及至衰羸。視昏熱。

此症專言風輪黃亮如金之色。而視亦昏渺。爲濕熱重。  
而濁氣薰蒸。清陽之氣。被其擾亂。故輪黃色也。好酒恣

食熱燥醒膩之人。每有此病。與視瞻昏渺不同也。宜服

葛花解毒飲

此藥清濕熱。解酒毒。滋腎水。降心火。明日之劑也。

黃連

炒

黑玄參

當歸

龍膽草

炒

茵陳

細甘草

葛花

熟地黃

茯苓

山梔仁

連翹

車前子

各等分

右剉劑白水二鍾煎至八分去滓食遠服。

乾澀昏花症

乾乾澀澀不爽快。渺渺蒸蒸不自在。奈因水少精液衰。莫待枯乾光損壞。

此症謂目日覺乾澀不爽利。而視昏花也。因勞膽竭視。過慮多忠。耽酒恣燥之人。不忌房事。致傷神水。目必有

此症如細細赤脈。及不潤澤等病。生焉。合眼養光。久則得淚。暑潤。開則明爽。可見水少之故。若不謹戒保養。甚則傷神水而枯澀之病。變生矣。惟急滋陰養水。暑帶抑火。以培其本。本立則清純之氣和而化生之水潤。若悞認爲火症。而用開烙鍼瀉之治。則有緊縮細小之患。宜服

四物五子丸

治心腎不足  
眼目昏暗。

熟地黃

當歸

地膚子

白芍

兔絲子

酒煮  
爛焙

川芎

覆盆子

枸杞

車前子

酒蒸量虛實  
加減各等分

右爲細末。煉蜜爲丸。如桐子大。每服五十九。不拘時。鹽

湯送下。

黃牛膽煎

治眼  
澀痛

猪膽

汁黃牛膽

汁羊膽

汁鯉魚膽

汁各  
半合

白蜜二兩

胡黃連

研末青皮

研末川黃連

研末熊膽

各二  
錢半

右將諸藥末與蜜并膽汁和勻入磁瓶內以細紙封頭。牢繫坐飯甑中蒸待飯熟爲度用新淨綿濾過每以象筋取如麻子大點於目眥每日二三次。

方

治人至夜則目澀好睡取鼠目一枚燒爲末水和頻注目中久則不睡取目以囊盛暗暗不使人知佩之亦不

夜寐

坐起生花症

坐起生花不必疑。尹心仔細自尋思。外由竭視勞瞻故。內  
爲荒淫酒色迷。元氣弱絡力微。眼花頭暈強支持。若能保  
養真元水。勝似于金訪妙醫。

此症內外別無他症。但其人動作少過。坐起少類。或久  
坐。或久立。久眠。久視。便覺頭眩目花昏運也。乃元氣怯  
弱。陰精虧損。致水少液枯。脈絡衰疲之咎。惟陰弱陽盛  
水不勝火。每有此患。宜服

加減駐景丸

治肝腎氣虛視物眩暈。血少氣多。瞳人內有  
淡白色昏睛。漸成內障。久服能安魂定魄。補



血氣  
虛耗。

車前子

畧炒

枸杞

五味子

各三兩

當歸

去尾酒洗

熟地黄

各五兩

川椒

去日

楮實子

晒乾無翳者

不用各一兩

兔絲子

水淘淨酒煮

焙乾半斤

右爲細末。蜜水煮糊爲丸。如桐子大。每服三十九空。心

溫酒送下。鹽湯亦可。

止痛散

治兩額角痛。脾痛。脉弦作內障也。得之於饑飽勞役。

日睛痛。時貝黑花。反目赤。

瓜蒌根

二兩

柴胡

半兩

炙甘草

生地黄

各四兩

黃芩

二兩

半酒浸。一半炒。

右爲麤末。每服三錢。水一鍾。半薑三片。棗一枚。煎去滓。

臨睡熱服。若小便不利。加茯苓。澤瀉各五錢。

摩頂膏

治肝腎虛風。上攻兩目。瞻視生黑花。或如水浪。

空青

研

青鹽

研各

槐子

五錢

白附子

炮

木香

各一兩

牛酥

二兩

鷺脂

四兩

旱蓮草

取自然

丹砂

研二錢半

龍腦

五分

右爲細末。先以旱蓮草汁。牛酥。鷺脂入銀器或銅器鍋中熬至三五沸。再下諸藥末。前減一半。卽傾入磁器內盛之。臨卧用舊銹鐵一片。重二二三兩。蘸藥於頂上摩二三十遍。令入髮竅中。次服駐景丸。忌鐵鍋。

### 雲霧移睛症

雲霧移睛。元虛者。殃自視目外。有物舒張。或如蠅蛇飛伏。或如旗旆飄揚。有如粉黛。有帶青黃。昏屬腎肝。內障難當。

真氣耗損精汁有傷。自宜謹慎。思患須防。

此症謂人自見目外。有如蠅蛇。旗旆。蚨蝶。綠環等狀。其物色或青黑粉白微黃者。在於眼外。空中飛揚。繚亂。仰視則上。俯視則下也。乃玄府有傷。絡間精液耗澀。鬱滯清純之氣。而爲內障之患。其源皆屬肝腎自病。白者因痰火肺金清純之氣不足。黃者脾胃清純之氣有傷。蓋瞳神乃先天之元陽所生。稟聚五臟之精華。因其內損。故有其狀。虛弱不足之人。及經產去血太多。或悲泣太過。深思積忿之婦女。每有此病。小兒疳症熱症。及瘡痰傷寒熱久。致目痛久閉。蒸傷清純之氣。亦有此患。幼兒

無知至長始曉氣絡已定治亦不愈宜服摩。

猪苓散

治腎弱不能濟肝則生虛熱膽生肝傍肝木枯膽氣不足故行動舉止則腫內神水蕩漾有黑影如旗旆蛺蝶繚環等狀先服此散清其肝腎之邪次服蕤仁丸黑花自消矣。

木猪苓

木通

扁蓄

蒼朮

泔水製

黑狗脊

大黃 炮

滑石

飛過

梔仁

各一兩

車前子

酒蒸過五銖

右為細末每服三錢空心青鹽湯調下。

蕤仁丸

治眼黑花飛蠅澀痛昏暗漸變青盲。

蕤仁

去皮

地膚子

白茯苓

細辛

人參

石決明

洗淨

地骨皮

白朮

炒各一兩

石膽

另研五銖

熟地黃

焙

楮實子

各三兩

空青

另研

防風

各一兩

青羊膽

一枚

鯉魚膽

五枚

右爲細末。研勻。以膽汁同蜜煉搜和爲丸。如桐子大。每

服二三錢。食後米飲送下。

摩頂膏

治眼前見花黃黑紅白不定。

白附子

炮去皮臍

木香

各一兩

龍腦

五錢

青鹽

一兩半

明珠砂

二錢半

牛酥

二兩

蠶脂

四兩

右將前藥末同酥脂以慢火熬成膏。每用少許。不拘時頂上摩之。

羚羊羗活湯

治肝腎俱虛。眼見黑花。或作蠅翅。

黃芪

二兩

炙甘草

一兩

羚羊角

銼末

羗活

黃芩

去黑心

山萸肉

車前子

附子

去皮

人參

青箱子

沃明子

微炒

澤瀉

秦芫

去柴胡

去苗各一兩字

右爲末。每服五錢。水二鍾。煎至八分。去滓。不拘時溫服。

### 治眼花見物法

有患心疾見物皆如獅子形。伊川教之。若見其形卽以手向前捕執之。見其無物。久久疑疾。遂愈。

### 螢星滿目症

兩目螢星亂散。六陽賊火上炎。要救神光不墜。清心寡慾當先。

此症謂人自視目外有無數細細紅星如螢火飛繚亂也。甚則如燈光掃星矣。其人必耽酒嗜燥勞心竭腎疾。

火上升目絡澀滯精汁為六賊之邪火薰蒸所損故陽  
光散亂而飛伏乃水不勝火之患此病之最重者久而  
不治內障成矣宜服

滋陰降火湯

治陰虛火動起於九  
泉此補陰之劑也。

當歸

錢一分

川芎

五分

生地黃

薑汁炒

熟地黃

蜜水炒

同  
上

麥冬

肉各八分

白芍藥

薄荷汁炒

黃芩

柴胡各七分

甘草

右剉劑白水二鍾煎至八分去滓熱服

按此劑乃滋腎益陰升水降火之聖藥并治咳嗽加阿

膠杏仁

各七分

五味子

三分

○咯唾衄血加牡丹皮

入藕節

取自然犀角末

五分

○若加立明粉秋石

皆降火甚速宜

頻用之童復亦好。

加味坎離丸

此丸能生津益血升水降火清心明目蓋此

大火症而取効速王道之藥無出於此。上盛下虛之人服之極効。

懷慶熟地黃

八兩。一半用砂仁一兩。以絹袋盛。於砂罐

茯苓二兩。研末。如前用酒二碗。煮乾。云茯苓不用搗

膏。

甘州枸杞子

揀去梗。烘乾。

當歸

全用。好酒浸一日。洗淨。晒乾。

白芍藥

好酒浸一日。切片。晒乾。

川芎

大而白者洗淨。切片。小的不用。

女真實

即冬青子。冬至日採。蜜水拌九蒸。九晒淨。

各四兩。

甘菊花

去梗葉。家園者佳。野菊三兩。

厚川黃蘗

去粗皮。淨切。片。九兩。二兩酒浸。二兩鹽水浸。

厚川黃蘗

去粗皮。淨切。片。二兩。蜜浸。各一晝夜。晒乾。炒湯。

二兩。蜜浸。各一晝夜。晒乾。炒湯。



色。

知母

去皮切片六兩分作四分如黃蘗四製同。

除地黃膏另入餘八味

脩製如法合和一處鋪開日晒

夜露二晝夜取天地之

精日月之華再為細末煉蜜為

丸如梧桐子大每服八

九十九丸空心白滾湯送下或青

鹽湯亦可並忌蘿蔔生

妄見

靈樞太惑論帝曰

子嘗上清冷之臺中堵而顧。俯

定氣久而不解。獨搏

獨眩披髮長跪挽而視之復久

而不已也。卒然自上

何氣使然岐伯曰五臟六腑之

精氣皆注於目而為

之精精之窠為眼骨之精為瞳

子筋之精為黑眼。血

之精為絡其氣之精而與脈并為

肌肉之精為約東裏

糊筋骨血氣之精而與脈并為

系上屬於腦後出於

項中故邪中於項因逢身之虛

其入深則隨眼系以

入於腦入於腦則腦轉腦轉則

引目系急目系急則

目眩以轉矣邪中其精其情所

中不相入也則精散精散則  
目者五臟六腑之精也榮衛  
之所生也故神勞則魂魄散  
法於陰白睛赤脈法於陽也  
日者心之使也心者神之舍  
然見非常處精神魂魄散不  
疑其然子母之東菴未曾不  
東菴勞神乎何其異也岐治  
有所惡卒然相惑則精氣亂  
故聞者為迷甚者為惑○氣  
物別白黑審長短以長為短  
神光暗耀則精衰而視變矣  
宜分虛實治之可也

### 神光自現症

神光人自見起初如閃電陰精淆純陽陽光欲飛變惟見

### 一片茫何用空哀怨

此症謂目外自見神光出現每如電光閃掣甚則如火

燄霞明益時發時止與瞻視有色之定者不同乃陰精

虧損清氣拂鬱玄府太傷孤陽飛越而先欲散內障之

重者非比螢星痰火之輕也宜服

補水寧神湯

補腎水則火不妄動  
寧心神則光自消除

熟地黃

生地各二錢

白芍藥

當歸

麥門冬

去心

茯神

各錢半

五味子

三十粒

甘草

用生六分

右剉劑白水二鍾煎至八分去滓空心溫服

腎水虧虛真陰不足故用熟地黃乃天一生水之劑大

補真陰生地黃有滋陰退熱之効麥門冬有清心降火

之功補血滋陰須憑當歸白芍神光蕩漾晝夜不寧此

神思間無形之火妄動故也必用扶神與五味子養精  
安神定志能斂元精之氣不走散生甘草降神中之火  
八味共建厥功庶幾腎水上升心火下降而神自寧米  
亦可定矣

黑夜睛明症

黑暗之間倏忽見物莫道精華禍患將出此陽光欲墜之  
機而水火背違之疾若不關心定應有失

按此症人體天地之陰陽晝明夜晦理之自然今黑暗  
間開目倏忽看見者是背於陰陽也必水火不交精華  
關格乖亂不和之甚而陽光飛越神膏不能攝養陰虛

而陽光無制矣反曰精華聚盛而不為慮往往羅害遺

悔非小也宜服

加減八味丸

治腎水不足虛火上炎以致目之神光失序

或牙齦潰爛咽咳作痛或形體憔悴

煎發熱作渴口舌生瘡

熟地黃

八兩忌鐵酒

山藥

酒洗

山茱萸

酒洗焙各四兩

白茯苓

乳拌蒸

澤瀉

酒洗

牡丹皮

酒洗焙各三兩

遼五味

烘乾兩半

肉桂

去皮忌火一兩

右除地黃膏另入餘共為細末煉蜜為丸如桐子大每

服三錢空心淡鹽湯送下忌食蘿蔔

腎水不足虛陽僭上之症若不滋腎水以益其陰則水

不升而火不降。神光失序。不能收藏。故黑暗睛明。用七  
味丸。加五味子。夫五味。滋腎水要藥也。津液既生。腎水  
自壯。水足而神光內斂。何有失序之虞。得桂辛熱。能引  
火歸源。其患必瘳。夫在君火。可以濕伏。可以直折。在相  
火。惟當從其性而伏之。肉桂性熱。與火同性。雜在下焦。  
壯水藥中。能引無根虛火。降而歸經。此方以類聚之義  
也。且肉桂之質。在中半以下。故其性專走腎經下部。此  
本乎地者。親下之義也。又况相火寄於甲乙之間。肝膽  
木旺。則巽風動。而烈火焰明。古人謂北方不可瀉瀉肝  
卽所以瀉腎。本草曰。木得桂而枯。乃伐肝之要藥也。經

曰熱因熱用從治之妙法正與從其性而伏之義相合  
或者畏其熱而遺之豈達造化升降之微乎黃栢知母  
治相火僅可施於壯實者暫用之若虛火而誤用之則  
腎因瀉而愈虛愈虛而虛火愈熾矣素問氣增而勝及  
久用寒涼反從火化之說獨不聞乎

視正反斜症

視正如何却是斜陰陽偏勝眼生花元精衰敗元陽損不  
久盲臨莫怨嗟

此症謂物之正者而反視爲歪斜也乃內之陰陽偏勝  
神光欲散之候陽勝陰者因恣辛嗜酒怒悖頭風痰火

氣傷之病。陰勝陽者。色慾。哭泣厚味。經產血傷之病。此內之立府。鬱遏有偏。而氣重於半邊。故發見之光亦偏。而不正矣。治用培植其本。而伐其標。久而失治。內障成矣。宜服。

### 補陽湯

治陽不勝其陰。乃陰勝。弱。見於大背。乃足太陽。

陽虛。則九竅不通。令青白。少陰經中鬱遏。足厥陰肝。

經氣不得上通於目。故青白。弱。內限也。當於太陽少陰。經中。九泉之下。以益肝中。陽氣。沖天。上行。此乃先補其。陽。後於足太陽。太陰。標中。瀉。足厥陰。肝。經。陰火。伏於陽。中者。正治也。內經云。陰勝陽。虛。則當先補其陽。後瀉其。陰。此治法是也。每日清晨。以。腹中宿食消盡。先服補陽。湯。干後食。遠次服。升陽。洩陰。九。臨睡。再服。連築。益陰。九。此三方。合治前症。若天色變。大寒。大風。並過於勞役。損。目。飲食不調。精神不足。或氣。弱。俱不得服。候晴氣和平。天氣如常服之。蓋先補其陽。使陽氣。上升。然後空竅通利。而眼目。明矣。



炙甘草

羌活

獨活

人參

熟地黄

白朮

土炒

黃芪

製各一兩

白茯苓

生地黄

知母

炒各三錢

柴胡

去苗二兩

肉桂

錢一

白芍藥

陳皮

澤瀉

防風

當歸身

錢五

右爲粗末每服三錢水二鍾煎至八分去滓溫服空心

使藥力行盡方許食

連藥益陰丸

治陽勝陰者服

甘草梢

羌活

獨活

當歸身

酒製

五味子

防風

黃芩

草決明

川黃蘗

知母

黃連

酒洗或拌蒸炒焦色各一

石決明

燒存性六錢

古爲細末煉蜜爲丸如棗豆大每服五十九漸至百丸

止臨卧清茶送下。當以助陽湯多服少服此藥。一則妨

飲食。二則力大如升陽湯不可多服。

升陽泄陰湯

一名升陽柴胡湯。治陰勝陽者服。

羌活 當歸身

獨活

甘草梢

白芍

熟地黃各

兩人參

生地黃酒洗

黃芪

楮實子

酒蒸

白朮

製各兩半

白茯苓

防風

廣陳皮

知母

酒炒各三錢。如大暑兩如錢。

柴胡

去苗

厚肉桂

去皮各一錢半

右剉劑。或為粗末。亦可每服五錢。白水煎服。另合一料。

煉蜜為丸。如桐子大。食遠茶清送下。每日五十丸。與煎

藥合一服。不可飽服。如天氣熱甚。加五味子三錢。或半

兩。天冬、肉五錢、楮實子五錢。

視定反動症

視定反動水不足。火邪上轉。故如斯。莫教動極。神光墜。始悔當年不聽醫。

此症謂物之定者反覺振而動也。乃氣分火邪之害。水不能救之。故陽邪虛火上旋轉運而振掉不定。光華欲墜。久則地覺亦動。內障卽成。恣酒嗜燥。頭風痰火之人。陰虛血少者。屢有此患矣。宜服

鈎藤散

鈎藤鈎

陳皮

麥門冬

石膏

家茱萸

人參

明天麻 防風 白茯苓 鹿茸 製半夏 甘草等  
右爲麤末。每服四錢。姜三片。白水煎服。

視物顛倒症。

顛倒光華病最奇。頭風痰氣火爲之。陰陽反復。光華損。屋  
宇如崩地。若移草。言眩運無他患。且待盲時。悔失醫。

此症謂目視物皆振動而顛倒也。譬諸環舞。後定視則  
物皆移動而倒。植葢氣不正。陰陽反覆。真元損傷。陰精  
虛弱。而陽邪上干。虛眩而運掉。有一年數發。有一月數  
發者。若發而視物顛倒。神光墜矣。因其發時。別其因風  
因虛。因痰。因火而治之。若以風眩不爲慮。反斲喪而觸

激者。內障之患終莫能逃矣。宜服

羚羊角散

半夏

製七次

當歸身

川芎

白芷

防風

明天麻

枳殼

甘草

各二錢半

茯神

羚羊角

銼細末各一兩

右爲粗末每服四錢姜三片煎去滓服。

視一爲二症

視一爲二神光渺。腎肝不足精華少光焰欲落神暗耗急。急求醫伏云禱。不逢妙手理真元。內障昏昏何目了。目赤痛若輕微火退自然容易好。常時視二難醫休道精光還得早。

此症謂目視一物而爲二也乃光華耗衰偏損敗壞矣  
病在膽腎膽腎真一之精不足而陽光失其主倚故錯  
亂而渺視爲二若目赤痛而視一爲二者乃火壅於絡  
陰精不得升運以滋神光故反爲陽邪錯亂神光而渺  
其視也譬諸目病時見一燈火而爲二三也宜服

補肝散

治肝風內障不痛不癢眼見花  
發黃白黑赤或一物二形難辨

車前子

黃芩

川羌活

細辛

黑玄參

各一兩

人參

白茯苓

各二兩

防風

羚羊角

剉末各三兩

右爲細末每服一錢五分食後米飲調服

千金磁硃丸

見二卷。主明目白歲可讀細字書常服大  
益眼口按此方磁石法水入腎硃砂法火入

心而神馳專入祀胃乃道家黃婆媒合嬰媾之理倪  
生釋之爲費詞矣或加沉香五錢升降水火尤佳。

古人於腎虛及種子方中每用磁石近代泥於金石之  
說多不知用。然磁石性能引鐵則用之者亦是假其引  
肺金之氣入腎使其子母相生爾。水得金而清則相火  
不攻自去矣。嗚呼醫之神妙在於幽微此言可與知者  
道也。

中和養胃湯

見二卷

視赤如白症

視物易色病原非一要當依色辨分明方識重輕與緩急  
此症謂視物却非木色也因物着形與瞻視有色空中

見色之症不同譬諸觀太陽若水輪靚燈火反粉色視粉牆轉如紅如碧者看黃紙而如綠如藍等類此內絡氣鬱立府不和之故當視色而別之以知何臟腑乘侮之爲病也宜服

### 復明湯

黃芪

蜜製

當歸身

柴胡

連翹

甘草

炙

生地黃

各一錢半

黃蘗

三分半

川芎

蒼朮

米泔洗炒

廣陳皮

各五分

右剉劑白水二鍾煎至八分去滓熱服忌酒濕麵辛熱

醬料等物

益氣聰明湯

見二卷

治飲食不節勞役形體脾胃不足得內障耳鳴或多年目暗視物不能見此藥



能聽耳明目久服無內外障耳鳴耳聾之患又能合  
人精神過倍元氣日益身輕體健手足便捷此藥治  
老人腰已下沉重疼痛如神若其人士體重精神不  
足兩足輕浮不知高下以此空心服之或少加黃蘗  
輕浮自減若治倒睫拳毛  
去葉蘗芍藥忌烟火酸物

### 內障

婁至善云內障先患一目次第相引兩目俱損者  
皆有翳在黑睛內遮瞳子而然今詳通黑睛之脉

者自系也自系屬足厥陰是太陽手少陰三經蓋此  
三經臟腑中虛則邪乘虛入經中鬱結從目系入黑  
睛內為障翳龍木論所謂脂流下作翳者即是太  
陽之邪也所謂肝氣中上成翳者即是厥陰之邪也  
故治法以鍼言之則當取三經之腧穴如天柱風府  
大衝通天等穴是也其有手巧心審諦者能用鍼於  
黑眼裏撥其翳為効尤捷也以藥言之則當補中疎  
通此三經之鬱結使邪不入目系而愈也飲食不節  
勞傷形體脾胃不足內障眼病宜參補胃湯益氣  
聰明湯圓明內障升麻湯復明湯婁云右四方治日  
不明皆氣虛而未脫故可與參耆補中微加連栢等  
氣既脫則黃栢等涼劑不可施經云陽氣者煩勞身

張精絕目盲不可以視耳閉不可以聽之類是其症也。內障右眼小昔青白翳大昔亦微顯白翳腦痛。瞳子散大。上熱惡熱大。便澀滯艱難小便如常。遇熱煖處頭疼睛脹能食口渴。或天陰暗則昏此症可服滋陰地黃丸。翳在大背加升麻葛根。翳在小背加柴胡羌活。東垣云肝木丹則火之勝無所畏懼而妄行也。故脾胃先受之。或病目而生內障者脾裏血胃主血。心主脉。脉者血之府也。或曰心主血。又曰脉主血。肝之竅開於目也。治法宜地黃丸當歸湯之類是也。

### 瞳神散大症

瞳神散大爲何如。只爲火熱薰蒸。膽悠悠鬱久。精汁虧。致使神光皆失散。陰精腎氣兩衰。虛相火邪行無管制。好如雞鴨卵中黃。精氣不足。熱所傷。熱勝陰虛。元靈損。至死冥冥不見光。

此症專言瞳神散大而風輪反爲窄狹若過甚則一週如線也。乃熱邪鬱蒸風濕攻擊以致神膏遊走散壞。若初起卽收可復。緩則氣定膏損則不復收斂。若未起內障顏色只散大者直收瞳神。瞳神收而光自生矣。散大而內障起者於收瞳神藥內漸加內障藥治之。如瞳神難收病旣急者以收瞳神爲先。瞳神但得收復目卽有生意。有何內障或藥或鍼庶無失收瞳神之悔。若只攻內障不收瞳神瞳神愈散而內障不退。緩而疑治不決者其症皆氣定而不能治終身疾矣。大抵瞳神散大症有數種皆因頭風痛攻之害。雖有傷寒瘧疾痰濕氣

怒憂思經產敗血等病久鬱執邪火症致令肝腎中。所  
蘊精汁虧耗不能滋養目中神膏故精液散走而光華  
失水中隱伏之火發矣水不足不能制火火愈勝陰精  
愈虧致清純太和之元氣總皆乘亂精液隨之而走是  
故因頭風攻散者最難收也且傷寒瘧疾痰火等熱症  
炎燥上蒸神膏漸壞內障漸起來遲而收亦易斂若因  
風攻則內障來速亦難收斂而光亦損矣宜服

羌活退翳丸

一名地黃丸能治內障石眼小眥青白翳大

皆微顯白翳腦疼腫子散大大便澀或時難  
小便如常遇天熱煖處頭痛睛脹能食口渴  
復兼天陰則昏暗等症亦可服滋陰地黃丸

熟地

八錢生地

酒製當歸身

酒製芫蔚子

黃蘗

酒製丹參

各五錢

黑附子

炮

寒水石

柴胡

知母

鹽水

牡丹皮

酒洗

真川芎

酒洗

羌活

各三錢

防已

酒製二錢

白芍藥

酒製一兩二錢

右爲細末煉蜜爲丸如小豆大每服五六十丸空心白

滾湯送下如宿食未消候饑時服之忌言諸隨後以食

壓之

東垣蘭室秘藏方去翳在大眦加葛根升麻翳在小眦

加柴胡羌活是也

瀉腎湯

治因喜食辛辣炙博之物過多以致瞳神散大服此後兼服磁硃丸

枸杞子

一錢二分

生地黄

黃蘗

酒洗炒

知母

酒洗炒

麥門冬

去心

山萸肉

去核

白芍

歸尾

各一錢

五味子

七粒

白茯苓

八分

獨活八分

右剉劑白水二鍾煎至一鍾去滓熱服

調氣湯治因暴怒以致臆神散大者服此後兼服磁珠丸

白芍藥 陳皮 生地黃 黃蘗鹽水炒 香附子醋製

知母鹽水炒 當歸身各一錢 枳殼 白茯苓各八分 甘草月生五分

右剉劑白水二鍾煎至一鍾去滓熱服

按瞳神散大屬腎若腎水固則氣聚而不散不固則相

火熾盛而散大若神水初變淡綠淡白色者可治若純

綠純白色者終爲廢疾矣

滋陰地黃丸見二卷。治血弱陰虛不能養心致火旺於陰分。瞳子散大少陰爲君火主無爲不行其

滋陰地黃丸見二卷。治血弱陰虛不能養心致火旺於陰分。瞳子散大少陰爲君火主無爲不行其

合相火代之與心胞絡之脈出心系分三道少陰相火  
之體無形其用在其中矣火盛則能令母實乙木肝旺  
是也其心之脈挾目系肝之脈連目系况手足少陽之  
脈同出耳中至耳上角斜起終於目外小背風熱之盛  
亦從此道來上攻頭目致偏頭痛悶若瞳子散大視物  
昏花血虛陰弱故也法消養血涼血益血收火散火而  
除風熱則愈矣

每服百丸食後茶清送下日進二服大忌辛辣之物恐  
助火邪及食寒涼之物傷其元氣藥不上行也又一論  
云瞳子黑眼法於陰由食辛熱之物助火乘於胸中其  
睛故散睛散則視物大矣

東垣云凡心胞絡之脈出於心中代心君行事也與小  
腸為表裏瞳子散大者少陰心之脈挾目系厥陰肝之

系心主少用主木此木火之勢盛也其味則宜  
宜涼大忌辛辣熱物是泄木火之邪也欲食中

常如此理可也。以諸辛主散熱則助火故不可食。收心氣製木火也。諸苦瀉火熱則益水也。尤忌食冷。大寒之物因寒能損胃氣胃氣不行則元氣不生。元氣不生致胃氣不散。胸中三焦之火及心火乘於肺上。人腦灼髓火主散故瞳子之散大者以此大熱之物直助。火邪尤爲不可食也。藥中去芫蔚子以味辛及主益肝。廷助火也。故去之加黃芩五錢黃連三錢黃連瀉中焦。心火黃芩瀉上焦助陽火以酒洗之乃寒因熱用也。亦可。用青箱子恐助陽火也。更加五味子二錢以收瞳神。之散大也。且火之與氣勢不兩立。故經云壯火食氣。食少火少。火生氣壯。火散氣請酸物能助元氣。孫真人曰五月常服五味子助五臟氣以補西方肺金。又經行以酸補之以辛瀉之。則辛瀉氣明矣。或曰藥中有當歸其味亦辛甘。不去之何也。此一味辛甘者以其和血之。聖藥也。况有甘味又欲以爲鄉導爲諸藥之使。故不去也。宜服熟地黃丸。

瞳神縮小症

瞳神細小精氣俱傷元陽耗散欲墜神光莫使沒盡醫術



無方

此症謂瞳神漸漸細小如簪脚甚則縮小如針也視尚有光早治少挽復故則難患者因恣色之故雖病目亦不思淫慾及勞傷氣血思竭心意肝腎二經俱傷元氣衰弱不能升運清汁以滋膽膽中三合之精有虧則輪汁亦乏故瞳神中之精亦日漸耗損甚則陷沒而貽爲終身疾矣亦有頭風熱症燦腦蒸乾精液而細小者皆宜乘初早救不然悔之不及也宜服

清腎抑陽丸

治水虧而自壞其病神水繫小小而又小

秘臚神細小之恙  
自可以無慮耳

寒水石

細研

黃柏監水製

生地黃

知母

監水製

枸杞子

黃蓮

酒炒

白茯苓

各一兩

獨活

八錢

草決明

炒

當歸

酒洗

白芍藥

酒洗炒  
各一兩

石爲細末煉蜜爲丸如梧桐子大每服三錢空心滾白

湯送下又宜用

抑陽酒連散或還陰救苦湯或暗鼻碧雲散

以上見  
二卷

能遠怯近症

怯近症兮視遠明眼前視物反不清陰精虛損陽邪旺痰  
火之人極欠寧治之之法補腎清心

此症謂目能遠視而不能近視也蓋陰精不足陽光有

餘病於水者故光華發見散亂而不能收斂近視治之  
止在心腎心腎平則水火調而陰陽和暢則遠近發用  
各得其宜夫血之所化爲水在身為精液其輕清之血  
上升在目爲膏汁若貪淫恣慾飢飽失節形脉甚勞極  
其悲泣皆斲耗陰精陰精虧而陽火盛火性炎而發見  
陰精之水不能制伏所以光華發越於外而遠視不能  
治火反觸激者內障之患至矣宜服

地芝丸

治目能視遠知其有人不能近視責其無水當滋以療之

天門冬

去心

生地黃

味乾

兩

去林

菊花

兩

右爲末煉蜜爲丸如桐子大每服百丸食後茶清送下

天味地黃丸

治自病因於水虧火旺陰虛之症肝腎血虛燥熱作渴小便淋秘痰氣上壅或風客注氣

瘦癯結核或四肢發搐眼目運動或咳嗽吐血頭目眩  
暈或咽喉燥痛日舌瘡裂或自行便血稟則不足肢體  
瘦弱解顛失音畏明下瀉手足痿軟腎病用無早近女  
色精血虧耗五腹齊損凡屬腎肝諸虛不而之  
此以磁化源其  
力不可盡述

白茯苓

乳蒸晒乾

丹皮

炒各兩半

澤瀉

微炒一兩

山藥

人乳蒸晒乾

山茱萸

去核酒蒸焙乾各二兩

熟地

四兩酒水各半煮爛搗膏另入

右其爲細末煉蜜爲丸如桐子大每服三錢空心淡鹽

湯送下或遺精加牡蠣燒紅水淬爲末焙乾三兩忌蘿

藟。

腎者水臟也水衰則龍雷之火無畏而亢上故王康玄

曰壯水之主以制陽光也卽經所謂求其屬而衰之地  
黃味厚爲陰中之陰專主補腎填精故以爲君山茱萸  
味酸歸肝乙癸同治之義日腎主閉藏而酸斂之性正  
與之育也山藥味甘歸脾安水之仇故用二味爲臣丹  
皮亦入肝其用主宣通所以佐茱萸之澀也茯苓入  
脾其用主通利所以佐山藥之滯也且色白屬金能培  
肺部又有虛則補其母之義至於澤瀉有三功一曰利  
小便以泄相火二曰行地黃之滯引諸藥速達腎經三  
曰有補有瀉諸藥無畏惡增氣之虞故用以爲使此丸  
爲益腎之聖藥而昧者薄其功經乃用藥者有四失也

一則地黃非懷慶則力淺一則地黃非自製則不熟且  
有犯鐵之弊一則疑地黃之滯而減少之則君主力弱  
一則惡澤瀉之溲而減之則使力微自蹈四失而咎咎  
藥之無功毋乃寃乎

能近怯遠症

怯遠肝經血不足腎經光華只咫尺視物模糊精氣衰補  
光陽火早醫治。

此症非謂稟受生成近視之病不治者蓋言平昔無病  
能遠視忽日患能近視而不能遠視者陽不足陰有餘  
病於火少者也無火是以光華不能發越於遠而拘斂

近視耳治在膽腎膽腎足則神膏厚神膏厚則經絡潤  
澤經絡潤澤則神氣和陽而陽光盛矣夫氣之所周謂  
之天在身爲運用在目爲神光若耽酒嗜燥頭風痰火  
分怒暴悖者必傷神損氣神氣弱必發用衰發用衰則  
經絡澀滯故陰勝陽衰而光華不能及遠矣宜服

定志丸

治日能近視知其有水不能遠視責其無火水宜  
補心火庫治心氣不定五臟不足恍惚憂愁

悲傷多憂善睡中驚煖恐佈不寧喜怒無時晝明暮  
昏昏肝腎陽虛並宜听之常服益心強志令人不服

遠志肉

去心

菖蒲

各二兩

人參

白茯苓

各一兩

右爲細末

蜜爲丸如桐子大以硃砂爲衣每服三十

丸米飲

下食後臨卧日進三服

補腎磁石丸

肝腎氣虛血耗眼目昏暗遠

石決明

火煨研碎

甘菊花

去梗葉

磁石

搗碎煨紅醋淬

肉苁蓉

各兩

芎藭

水淘淨酒

慢火烘乾

一兩

右爲細末用雄雀十五隻去毛嘴

定留肚腸以青鹽一

兩水三升同煮重於極爛水欲盡爲度取出杆歸如泥

和藥末爲丸如梧子大每服三錢空心溫酒送下

謹按陽氣者猶日火也陰氣者金水也先儒所謂金水

內明而外暗日火內暗而外明者也然人之服備臟腑

五行精華相資而神明故能視卽此理之常也難經曰

日得血而能視殊不知氣者益血得氣爲水火之交而



能神明者也不則陽虛不能視遠陰虛不能視近是爲  
老人桑榆之景然學者於目病能求諸此則思過半矣  
神水將枯症

神水將枯禍不遲更兼難識少人知氣壅絡澀多乾燥  
待膏傷損及珠

此症目珠外神水枯澀而不潤澤最不易識雖形於外  
而不知其內乃火鬱於膏澤故睛不清而珠不瑩  
汗將內竭若有淫淚盈珠亦可潤澤視病氣色乾澀如  
蠅垂涎之光片見此症必有危急病來治之著緩則

神膏枯澀神膏既枯則瞳神危矣若小兒素有排症

糖大人五十以外糞如羊屎而目患此症者皆

熱結膀胱之疔神水消渴者因水枯結熱蒸燥不清

治其源而流自清矣其症有二有陰虛症有陽虛症

不可混治陰虛以補腎丸治之陽虛以調中益氣湯療

之或曰既云神水枯澹而又謂陽虛者何也蓋神水卽

氣中之精液陽不生則陰不長也宜服

滋腎丸

何云滋腎滋腎陰也能滋開各通開丸  
一名坎離丸治神水枯結然義燥不積

黃蘗鹽水製

知母鹽水炒過製各三兩

肉桂三錢

右爲細末水泛爲丸如梧桐子大每服百丸空心沸湯

送下

按熱自足 心直衝股內而八腹者謂之腎火起於湧泉  
之下知栢 苦寒水之類也故能滋益腎水肉桂辛熱火  
之屬也故 須假之反佐此易所謂水流濕火就燥聲應  
氣求之理 也

來者治 王善夫病小便不通服之如神世醫用五  
散徒撰 真陰之氣前小便反秘結愈甚者非其治也

### 補腎丸

杜仲薑炒 牛膝酒洗 陳皮各二兩 黃栢鹽水炒 龜板酥微

兩 五味子夏加一兩焙乾 乾薑冬加五錢炒

右為細末 煉蜜為丸如桐子大每服二十九空心

送下

按黃柏龜板杜仲牛膝皆濡潤味厚物也故能降  
陰復用陳皮假以疏滯夏加五味者扶其不勝之余  
冬加乾薑者壯其無光之火也經曰無伐天和此之謂

爾

### 調中益氣湯

治脾胃不調而氣弱日晡兩目  
緊澀不能瞻視乃元氣下陷

黃芪

炙

一升

五分

陳皮

六分

木香

二分

人參

甘艸

蒼朮

泔水製

柴胡

各五分

右剉劑白 水二鍾煎至八分去滓臨臥溫服

按脾胃不調者腸鳴殭泄膨脹之類也氣弱者言語輕  
微手足倦怠目睛不明也補可以去弱故用人參黃芪

甘草甘溫之性能補則中氣不弱而目能視矣蒼朮辛燥能平胃中敦阜之氣升麻柴胡輕清能升胃家陷天之氣木香陳皮辛香去胃中陳腐之氣夫敦阜之氣平陷下之氣升陳腐之氣去寧有不調之中乎

聚開障症

生或聚開濕熱痰於腦渾如雲月遮問視星芒小痛癢照常開聚時常遠來時昏澀冬醫治須圖早

此症謂目或圓或缺痛則見之不痛則隱聚散不來無時或一月數發或一年數發乃腦有濕熱之故痰入患者多久而不治加以觸犯者有變症生矣宜服

生熟地黄丸

治肝虛目暗膜人晃翰眼見黑如蠅蚤飛者治即瘧或視睛不明

混睛冷淚翳膜遮睛  
為外障並皆治之

川牛膝

酒製

石解

枳殼

防風

各六兩

生地黄

熟地

各一兩半

杏仁

泡去尖

羌活

各四兩

白菊花

一兩

右為細末煉蜜為丸如桐子大每服三十九以黑豆三

升炒令烟盡為度碎好酒六升每用半盞食前送下或

蒸熬湯亦可

棗花障症

棗花四圍起濕熱腦中停古稱如鋸齒不必拘其形生來

多不覺慢慢人風輪燥暴並貪酒勞瞻竭視睛損傷年日  
久乾澀每昏疼。圈圓圍已極始悔不能明。

此症甚薄而白起於風輪週匝。從曰膜之內四圍環布  
而來也。凡性急及患痰渴視勞瞻耽酒嗜味傷於濕熱  
之人每罹此患。久則始有目急乾澀昏花不爽之病。犯  
而不戒甚則有腫神細小內障等症。或因邪觸激火入  
血分淚流赤痛者。亦在變症之例。雖有棗花錫齒之說。  
實無正形。凡見白圈傍青輪際。從白膜四圍圈圓而來。  
卽是此症。若白嫩在輪外四圍生起珠赤痛者。是花翳  
白陷。不可悞認爲此。宜服

羚羊角飲子

羚羊角 銚末

防風

白茯苓

黃芩 酒炒

熟地黃

桔梗

枸杞子

人參

車前子

細辛

黑玄參

知母 各等分

右剉劑白水二鍾煎至八分去滓溫服

圓翳障症

此翳薄而且圓陰陽大小一般當珠方是此症精虛氣滯之遺。若要除根去盡必須得遇神仙。

此症色白而大小不等。厚薄不同。薄者最多間有厚者亦非堆積之厚。比薄的少厚耳。多有掩及瞳神名曰濼。



睛障病最難治為光滑深沉之故有陰陽二症之別陽者明處看不覺鮮白若暗處看則明亮白大陰者暗處看則淺明處看則深大然雖有明暗驗病之別而治則一同故陰陽大小一般也病若久雖治亦不能免終身之患矣宜服

空青丸

治沉翳細看方見其病最深

細辛

五味子

車前

石決明

各一兩

空青

一錢

生地黃

知州

防風

各二兩

右為細末煉蜜為丸如桐子大每服三十九空心茶清

送下

羚羊角飲子

治不痛不癢  
圓翳內障

羚羊角

銼末  
三兩 細辛

知母

人參

車前子

黃芩

各二兩

防風

二兩

石爲細末每服一錢五分水一鍾煎至五分食後去滓

溫服

水晶障醫症

眼內障如水晶色厚而光滑且清白瞳子隱隱內中藏視  
務蒙如雲霧隔君子石要盡除根縱有良醫也無策

一此症色白清瑩但高厚而滿珠看雖易治得効最遲蓋  
根深氣結故也初起膏傷時非比白混浮嫩之可治者

識當別之庶無錯治之夫其名有四曰水晶曰玉翳浮  
滿曰冰凍翳如冰凍之堅傍珠斜視曰透睛瞳內治雖  
畧減而亦終身不痊之症也宜服

七寶丸

治內障冰翳如冰凍堅結睛上  
先針撥取之後以此藥散翳

石決明

搗研

二兩

琥珀

研七錢半

真珠

研細

熊膽

研各五錢

菟藟子

人參

各一兩

龍腦

二錢

右為細末煉蜜為丸如桐子大每服十五丸加至二十

丸食前茶清送下

劍脊翳症

劍脊名橫翳其症有厚薄精膏有所傷此症初應惡妙手

肯堅心也應一半落

此症色日或如糙米色者或帶焦黃色者但狀如劍脊  
樣中間畧高兩邊薄些橫於風輪之外者即此症也厚  
薄不等厚者雖露上下風輪而瞳神被掩視亦不見薄  
者雖不盡掩視亦昏眊較之重者稍明耳縱然色嫩根  
浮而亦有疤痕若滑色深沉者雖有妙手堅心治療止  
可減半若微紅罩絆者尤為難退以上不論厚薄非忽  
心於歲月者難効也宜服

七寶湯

治內障橫翳橫著瞳人中  
心起如劍脊鍼撥後用藥

羚羊角

銼末

犀角

銼各一兩

胡黃連

車前

石決明

刮洗搗碎

甘草

炙各五錢

明丹砂

另研

右除丹砂石決明外麤搗爲末每服三錢子水一盞煎七分去滓入丹砂末三分石決明末一字再煎兩沸食後溫服

### 魚鱗障症

魚鱗障症色昏白狀類魚鱗不長高雖有清囊神妙手也知不得盡除消

此症翳雖白色而不光亮狀帶斜歪故號曰魚鱗乃氣結膏疑不能除絕者皆出病初起悞認他症服藥不得相宜及點片腦眼藥凝結故耳宜服

羚羊角散

羚羊角

銼細末

細辛

各

升麻

各二兩

甘草

炙二兩

右爲細末用一半煉蜜爲丸如桐子大存一半末每日煎飲服丸每服五十丸食後送下

暴盲症

暴盲似祟最蹶蹊驀地無光總不知莫道鬼神來作孽陰陽關格與神離。

此症謂目平素別無他症外不傷於輪廓內不損乎瞳神倏然盲而不見也其故有三曰陰孤曰陽寡曰神離乃閉塞關格之病病於陽傷者緣忿怒暴悖恣酒嗜辛

好燥。臧及久患熱病。痰火人得之。則頓燥。秘渴病於陰傷者。多色慾悲傷。思竭哭泣太頓之故。或因中寒。中風之症起。傷於神者。因思慮太過。用心罔極。憂傷至甚。驚恐無措者。得之。則其人如癡如呆。病發之狀。屢有因頭風痰火。元虛水少之人。眩暈發而官瞽不見。能保養者。治之自愈。病後不能養者。成痼疾。其症最速。而愚人以爲魘魅鬼神爲祟之類。泥於祈禱。殊不知急治可復。緩則氣定而無用矣。宜服

加味道遙飲

治怒氣傷肝。并脾虛血少。致目暗不明。頭目濕痛。婦女經水不調等症。

當歸身

酒炒白朮

土炒

白茯苓

甘草

補生用

白芍藥

酒炒

柴胡

各一錢

炒梔子

丹皮

各七分

右剉劑白水二鍾煎至八分去滓食遠服。

按經曰肝者將軍之官所主怒怒則肝傷氣逆氣逆則血亦逆故血少眼者肝之竅又曰目得血而能視今肝傷血少故令目暗越人云東方常實故肝藏有瀉而無補即使逆氣自傷疎之即所以補之也此方名曰逍遙亦是疎散之意柴胡能升所以達其逆也芍藥能收所以損其過也丹梔能瀉所以伐其實也木盛則土衰白朮甘草扶其所不勝也肝傷則血病當歸所以養其血也木實則火燥茯苓神所以寧其心也



柴胡參朮湯

治怒傷元陰元陽此方主之

人參

去蘆

白朮

土炒

熟地黃

白芍

各一錢五分

甘草

蜜製八分

川芎

七分

當歸身

二錢

青皮

四分

柴胡

二分

右剉劑。白水二鍾煎至八分。去滓。食遠服。

肝主怒。怒傷肝。肝傷故令人眼目昏花。視物不明。怒傷元陰。血虛必矣。故用芎歸白芍。熟地以養榮。怒傷元陽。氣虛必矣。故用人參白朮甘草以益衛。青皮平肝。柴胡

瀉肝

熊膽丸

治日忽然先光翳膜障蔽

熊膽

川黃連

蜜蒙花

羌活各半

蛇退

地骨皮

仙靈脾

木賊

膽草

各一兩

旋覆花

甘菊花

瞿麥各五錢

麩仁

三錢

麒麟竭

蔓菁子

各二錢

右十五味而熊膽為主。餘同為細末。以羯羊肝一具。煮其一半。焙乾。雜於藥中。取其一半。生者去膜。搗爛。入上藥。杵而為丸。如梧桐子大。飯後用米飲送下。三十九。諸藥修治無別法。惟木賊去節。麩仁去殼皮。取霜。蔓菁子并水淘。蛇皮炙之。

饒州郭端友。猜意事佛。偶染時病。忽患兩目失光。擊膜障蔽。忽夢皂衣人告曰。校要眼明。可服熊膽丸。既

覺其物至云。昨得觀音治眼熊膽丸。偶與夢相符。卽依方市藥。旬日乃成。服之二十餘日。藥盡復明。卽自

書藥方。至于干部也。人病目者。服其藥。多愈。郭生自記其本末云。

獨參湯

治元氣離脫。致日無所見。

人參數兩。清河者佳。用銅刀切片。或銀鍋砂鍋煎湯。

頻服

血者氣之守。氣者血之衛。相偶而不相離者也。一或失

血過多。則氣爲孤陽。亦幾於飛越矣。故令脉微欲絕。斯

時也有形之血不能速生。幾微之氣所宜急固。故用甘

溫之參。以固元氣。所以權輕重於緩急之際也。故曰血

脫益氣。此陽生陰長之理也。

一人形實好飲熱酒。忽日有血滴。此熱酒所傷。及兩掌皆紫黑。予曰。澀血行矣。以四物湯加蘇木桃仁紅花陳皮煎調。人參連服數日而愈。一月鼻

### 青盲症

青盲兩種。並難醫。無如愚人。竟不知最。怕老年神氣弱。又嫌疲病血精虧。本是神昏并膽澀。內膜外障及時醫。雖然服藥扶根本。不若清修作主持。若得神光精氣足。自是還明如舊時。

此症謂目內外。並無障翳氣色等病。只自不見者。是乃玄府幽深之源鬱遏。不得發此靈明耳。其因有二。一曰神散。二曰膽澀。須訊其為病之始。若傷於七情。則傷於

神若傷於精血則損於膽皆不易治而年老尤難若能保真固本抱元守一者屢有不治而愈若年高及疲病者或心賢精血損者雖治不愈世人但見目盲便呼爲青盲者謬甚夫青盲者瞳神不大不小無缺無損仔細視之瞳神內並無些小別樣氣色儼然與好人一般只是自看不見方爲此症若少有氣色卽是內障非青盲也宜服

### 鎮肝明目羊肝丸

羯羊

肝

一具用新瓦盆焙乾如大只用一牛脰刀切片。

官桂

梔子仁

羌活

家菊花

白木土炒

五味子

細辛

各五錢

川黃連

炒七錢

右為細末煉蜜為丸如桐子大每服四十丸或空心食遠沸湯送下

### 復明丸

冬青子

生用一筋陳酒共蜜拌蒸七次晒七日露七夜焙乾

元蝙蝠

活捉一個

夜明砂

酒洗

枸杞

搗焙

熟地

酒浸

萊豆殼

炒各一兩

川黃連

微炒

白朮

製各三錢

辰砂

兩半用一半共蝙蝠為爛餘為衣

右為細末煉蜜為丸辰砂為衣如桐子大每服五十丸

食後熱酒送下

又方

治肝腎兩虛或因他病而弱青盲初起者服之如神

兔絲子

洗酒 煑炒

補骨脂

巴戟

枸杞

川牛膝

洗酒 炒

肉蓯蓉

竹刀 焙乾

切片酒浸 各一兩

青鹽

二錢 另研

右爲細末用猪腰子一個竹刀切開半邊去內筋膜入

藥末一錢將線縛緊用上好數年陳酒蘸濕炙熟冷定

火性食之卽愈

本事方

治青盲 內障

白羯羊肝

只用羊肝一片 薄切新瓦上焙

麩仁

去殼 皮

澤瀉

兔絲子

車前子

防風

黃芩

麥冬肉

地膚子

去殼

杏仁

炒

桂心

苦葶藶

菟蔚子

細辛

白茯苓

青箱子

五味子

枸杞

各一兩

熟地

兩半

右爲細末煉蜜爲丸如桐子大每服三四十九丸溫湯送

下日進三服不拘時候

張臺卿嘗苦日暗京師醫者令灸肝俞遂轉不見物因得此方眼目遂明一男子內障醫治無効因以餘劑遺之一夕燈下語其家口適偶有所見如隔門縫見火者及旦視之眼中翳膜俱裂如線張云此藥靈勿妄與人忽之則無驗于益信之且欲廣其傳也

高風障症

高風俗號是雞盲爲類鷄睛夜不明因損元陽真氣弱亦

能致禍勿言輕能知變理不治自寧不知戒忌何止雙盲

陰陽否塞爲中滿不久魂飛入北溟



此症俗呼爲雞盲本科曰高風障至晚不明至曉復明也蓋元陽不足之病或曰旣陽不足午後屬陰何未申尙見子後屬陽何丑寅未明曰午後雖屬陰日陽而時陰陽分之陰且太陽明麗於天日亦陽類故明至西日沒陰極而暝子後雖屬陽夜陰而時陽陰分之陽天地晦黑於理當暝雖有燈月而日不明者病亦至甚月大陰燈亦屬陰不能助內之陽病輕者視亦稍見至寅時陽盛日之陽升故稍明卯時日出而明如故若人調養得宜神氣融和精血充足而陽光盛不治自愈若不能保養反致喪真則有變爲青盲內障甚則有陰陽乖

而否塞開格爲中滿而死者食之以用治之以補氣藥

卽愈益見其真元氣弱而陽不足也宜服

人參補胃湯

治勞役所傷飲食不節內障昏暗

蔓荊子

一錢二分

黃芪

蜜製

人參

各一錢

甘草

炙八分

白芍藥

炒

黃蘗

酒炒各七分

右剉劑白水二鍾煎至八分去滓食遠溫服

再服

能令目明視物如童時若兩脚踏地不知高下蓋冬天多服升陽藥故也病減住服候五七日再服此藥春間

服乃時藥也

補中益氣湯

治兩目日瞶緊溫不能瞻

視乃元氣下陷並苦傷神而飽失節

此數者俱發目赤頭疼寒熱交作身強體痛若勞不復感風寒則頭疼如破全似外感傷寒之症異用人

表之藥解不傷人故東垣先生發內外傷辨首用此方取濟甚衆

當歸身

酒洗

白木

土炒

陳皮

各錢半

人參

二錢

炙甘草

升麻

柴胡

各一錢

黃芪

並製三錢

右剉劑白水二鍾薑一片棗三枚煎食後熱服

按中氣者脾胃之氣也五臟六腑百骸九竅皆受氣於

脾胃而後治故曰上者萬物之母若饑困勞倦傷其脾

胃則衆體無以滋氣而生故東垣諄諄以脾胃爲言也

是方人參黃芪甘草甘溫之品甘者中之味溫者中之

氣氣味皆中故足以補中氣白木甘而微燥故能健脾

當歸質潤辛溫故能澤土木以燥之歸以潤之則不剛  
不柔而土氣和矣復用升麻柴胡升清陽之氣於地道  
也蓋天地之氣一升則萬物皆生天地之氣一降則萬  
物皆死觀乎天地之升降而用升麻柴胡之意從可知  
矣或曰東垣謂脾胃一虛肺氣先絕故用黃芪以益皮  
毛不令自汗而泄肺氣其辭切矣予考古人之方而更  
其論何也余曰東垣以脾胃爲肺之母故耳余以脾胃  
爲衆體之母凡五臟六腑百骸九竅莫不受其氣而賴  
之是發東垣之未發而廣其意耳豈曰更論

轉光丸

治肝虛雀  
目青音

生地黄

白茯苓

川芎

山藥

蔓荊子

白菊花

防風

細辛

熟地黄

各等分

右為細末煉蜜為丸如桐子大每服二十九空心桑白

皮湯送下

遠明散

治小兒每至夜不見物名曰雀目

夜明砂

晚蚕砂

穀精草

蛤粉

右等分為末煎黃蠟為丸如雞頭大三歲一丸猪肝一片切開置藥於內麻皮扎定砂罐內煮先薰眼後食

之

決明夜靈散

見二卷

青風障症

青風內障肝膽病精液虧兮氣不平哭泣憂鬱風氣痰幾般難使陽光靜莫教綠色土瞳神散失光華休怨命

此症專言視瞳神內有氣色昏朦如青山籠淡烟也然自視尙見但比平時光華則昏朦曰進急宜治之免變綠色則病甚而光沒陰虛血少之人及竭勞心思憂鬱忿恚用意太過者每有此患然無頭風痰氣火攻者則無此患病至可畏危已甚矣不知其危而不急救者盲在反掌耳宜服

羚羊角湯 治青風內障勞倦

頭旋腦痛眼內痛

人參

車前子

玄參

地骨皮

羌活

羚羊角

銼末各等分

右剉劑。白水二鍾煎至八分去滓食後服

婁全善曰諸方以羚羊角玄參細辛羌活防風車前子為君。羚羊角行厥陰經藥也。丹谿云：羚羊角入厥陰經，其捷是也。玄參行少陰經藥也。海藏云：玄參治空中氤氳之氣，無根之火為聖藥也。羌活防風車前子行太陰經藥也。如筋脉枯澀者，諸方中更加夏枯草能散結氣，有補養厥陰血脈之功。其草三月開花，逢夏即枯，蓋秉純陰目痛如神，以陽治陰也。嘗試之有驗，然此諸方又當知邪之所在，若氣脫者，必與參膏相半服之。氣虛者，必與東垣補胃人參湯益氣聰明湯之類相半服之。血虛者，必與熟地黃丸之類相兼服之。更應內觀靜守，不干塵勞，使陰氣平和，方許有效。

綠風障症

綠風內障其色綠重是青風輕是黃視物昏冥濃霧密頭眩風痰火氣傷瞳神若大害尤速稍失調治睛漸黃目病若到如此際看看漸失本來光

此症專言瞳神氣色濁而不清其色如黃雲之籠翠車似藍靛之合藤黃乃青風最重之症久則變爲黃風雖曰頭風所致亦由痰濕所攻火鬱憂思忿怒之故若傷寒瘧疾熱蒸先散瞳神而後綠後黃前後並無頭痛者乃痰濕攻傷其氣神膏耗潤是以色變也然雖如是蓋久鬱則熱勝熱勝則肝之風邪起矣故瞳神愈散愈黃



大凡病到綠風極爲危者十有九不能治也宜服

半夏羚羊角散

治痰濕攻傷  
綠風內障

羚羊角

銚細末

薄荷

羌活

半夏

炙各錢半

白菊花

川烏

炮

川芎

防風

車前子

各五錢

細辛

二錢

右爲末每服三錢生薑三片水二鍾煎一鍾去滓服或

荆芥湯調下

羚羊角散

治綠風內障頭眩  
痰濕攻傷者服聚

目痛眼內痛澀者服如  
星障症羚羊角散見三卷

羚羊角

銚末

防風

知母

人參

黑玄參

茯苓

黃芩

桔梗

車前子各四兩 經辛二兩

右爲麤末每服三錢白水煎食後溫服

烏風障症

烏風內障濁如烟氣散膏傷膽腎間真元旣飄精已耗青囊妙藥也徒然

此症色昏濁暈氣滯如暮雨空中濃烟重霧風痰之人嗜慾太多及敗血傷精腎絡損而膽汁枯精氣耗而神光墜矣宜服

白附子湯

治發散初起黑花昏昏內障

荆芥穗

防風

白菊花

甘草少許

白附子

炮

蒼朮

木賊草

羌活

白茯苓

去刺

人參

各等分

右剉劑白水二鍾煎至八分去滓食後服

涼膽丸

龍膽草

酒炒

黃連

酒炒

防風

柴胡

地膚子

黃芩

酒炒

蘆薈

黃柏

鹽水制

荆芥穗

各等分

右爲細末煉蜜爲丸如梧桐子大每服三錢清茶送下

偃月障症

偃月侵睛症最惡風輪上際微微薄慢慢下瞳來似此八

難覺腦有濕熱。連肝絡。遭肺剝。莫待如月圓昏昏難摸。提此症乃風輪七半邊。氣輪交際。從白膜內隱隱白片。薄薄蓋向下來。其色粉青。乃非內非外。從膜中而來者。初起不覺而無慮。後漸結久。始下風輪而損光。或沿邊風輪週匝而爲棗花爲害最速。人不爲慮。每中其患。乃腦漏。或腦有風濕久滯鬱結。微火攻擊。腦油滴下。好酒暴怒。積滯生鬱。爲變亦急。凡經水洗頭。不待乾而濕熱。看及痰火人好燥。膩濕熱物者。皆有此患。宜服

補肝散

羚羊角

細辛

羌活

白茯苓

楮實子

人參

玄參

車前子

夏枯草

防風

石斛各等分

石爲細末。每服一錢。食後米飲調下。

墜翳丸

治眼月內障起微有頭旋額痛

青羊膽

鯉膽

猪膽各七箇

熊膽二錢

石決明

洗浸煨存性另研細一兩

牛膽五錢

麝香少許

右爲細末。麪糊爲丸。如桐子大。每服十九。空心茶清送下。

下

如銀障症

如銀內障。分輕重。輕則中間一點。重則瞳神皆白。亮瞳。

中佛鬱氣相干。憂傷真氣。並思慮色慾勞精竭。視瞻滯澀。清純生障。氣精華冥黑過三光也。不愛養休傷。變一撥光。閉勝遇仙。

此症專言瞳神中之白色內障也。輕則一點白亮。或如銀星一片重則瞳神皆雪白而圓亮。圓亮者一名圓翳。內障有仰月偃月。變重爲圓者有一點從中起。視漸昏漸變大而不見者。乃鬱氣傷其冲和清純之元氣。故陽光精華爲其閉塞而不得發見。亦有濕熱在腦。腦脂滴落而元精損鬱。閉其光非若銀白內障已散大而不可收者。乃可治之兆。年未過六旬血氣稍盛者。治之皆可。

復明宜服

石決明散

石決明

醋煨

防風

人參

菟蔚子

車前子

細辛

減半

知母

白茯苓

遼五味

玄參

黃芩

各等分

右爲細末每服二錢食前茶清調下。

瞳神欹側症

欹側瞳神其故當審外若不傷內必有損損外不妨損內更慌莫使損盡終是無光。

此症專言瞳神歪斜不正或如杏仁棗核三復雲邊疇

乃腎膽之神膏所損。瞳神將盡矣。若風輪破損，神膏流沒，致瞳神欹側者，輪外必有蟹睛在焉。蟹睛出而瞳神不得復圓，外亦有脂翳，終身不脫。若輪外別無形証，而瞳神欹側者，必因內傷腎水，肝血膽汁化源，故膏液自耗而瞳神欲沒，甚為可畏。急治之，雖難復圓，亦可挽住，而免墜盡喪明之患，宜服。

生犀角丸

治五行應變氣血兩虛，榮衛凝滯，以致肝腎藏受風邪，瞳神歪斜內障。

石決明

醋煨

當歸身

犀角

銚末

麻黃

減半

楮實子

枸杞子

防風

各等分

右為細末，麩糊為丸，如桐子大，每服五十九，茶清送下。



瞳神返背症

瞳神返背患者。少醫治須當要心巧。不逢妙撥轉。將來定是昏冥直到老。

此症因六氣偏勝。風熱搏擊。其珠斜翻到轉。白向外而黑向內也。藥不能療。止用撥治。須久久精熟者。識其何因何症。或帶上帶下之分。然後撥之。則療在反掌。否則患者徒受痛楚。醫者枉費心機。今人但見目內障。或目損風水二輪。而膏維壞。白掩黑者。皆呼為瞳神反背。謬妄之甚。夫反背實為斜翻。烏珠向內也。非是珠端正而向外者。今亂呼為瞳神反背。必其人亦是冒目。豈能治。

入之盲哉

內障根源歌

不疼不痛漸昏矇。薄霧輕烟漸漸濃。或見花飛蠅亂出。或如絲絮在虛空。此般狀樣因何得。肝臟停留熱與風。大叫大啼驚和恐。腦脂流入黑睛中。初時一眼先昏暗。次第相牽兩目同。苦口何須陳逆耳。只緣肝氣不相通。彼時服藥宜銷去。將息若乖卽沒功。日久既應全黑暗。因名內障障雙瞳。名字隨形分十六。龍木禪師早推窮。靈藥千般難得効。金針一拶日當空。戒慎將息依前說。如違法卽枉費工。

針內障眼法歌

內障由來十六般。學醫濟世要細看。分明一一知形狀。施  
針方可得相安。若或針法不精靈。悞損神光取瘥難。冷熱  
須明虛與實。調和四體待全康。不然氣悶違將息。嘔逆勞  
神翳却翻咳嗽。震驚皆不可多驚。先服鎮心丸。若求良藥  
膏丹等。用意臨時仔細看。務細針初復嫩。針形不可似  
一般病虛新產懷。娠月下針纔知將息難。不雨不風兼皓  
月。清齋三日在針前。安心定意行醫道。念佛親姻莫雜喧。  
患者向明盤膝坐。提撕腰帶得心安。針者但行賢哲路。惻  
隱之心光復還。有血莫驚須在手。裏封如舊再開看。忽然  
驚振醫重治服藥三句旦。朗然七日解封難見日。花開水

動莫與言還睛丸散堅心服百日分明復舊光。

針內障後法歌

內障金針針了時。醫師言語要深思。綿包黑壹如球子。眼  
上安排曰係之。臥眠頭枕須安穩。仰卧三朝莫厭遲。封後  
忽然微有痛。腦風牽動莫他疑。或針或烙依經治。痛極仍  
將火熨之。擬吐白梅含咽汁。此來仰卧。從伊起則恐因  
遭努損。雖然稀少也。須知七朝微粥溫溫食。震動牙關事  
不宜。大小便時須緩緩。無令驟起與扶持。高聲叫喚言多  
語。驚動睛輪見雪飛。如此志心三十日。漸行出入認親知。  
清心莫憶陰陽事。夫婦分牀百日期。一月不須臨洗面。針

痕濕着痛微微五腥酒麩週年服藥消除病木基

鎮心丸

治心痛驚悸憂思愁慮傷心惕然心跳動振不安吐舌面赤目眩等症

半黃

一錢

生地

酒洗炒

當歸身

酒洗炒

遠志肉

去核神

各

錢

金箔

十五片

石菖蒲

九節者作

川黃連

各二錢

辰砂

二錢另研

右以前六味其爲細末後入牛黃辰砂二來猪心血爲丸如黍米大金箔爲衣每服五六十丸煮猪心湯送下

附大玄真人進還睛丸表

伏以醫有聖神工巧之妙人不可不知藥有溫涼寒熱之

性醫不可不辨昔黃帝嘗百藥而著本草叔和察六脈

而燭病源所以扶世道而救民命者良有在也上古之

人咸臻壽考。况世之最貴者莫貴於人人之最貴者莫貴於目。夫目者五臟六腑之精華百骸九竅之至寶。洞觀萬物。朗視四方。皎潔如珠。包含天地。內連肝膽。外應睛瞳。竅雖開於肝門。睛乃屬於腎臟。腎屬北方壬癸水。心屬南方丙丁火。心腎不和水火交戰。則血氣停留不散。膽損肝虛。定然眼中受病。凡療眼疾。須補腎元。次修肝木。肝乃腎之苗。腎乃肝之本。修肝則神魂安靜。補腎則精魄安和。精魄既得安和。眼目自然明朗。譬如種木當在修根。根壯則枝葉茂盛。根損則花葉凋零。且如黑睛屬腎。腎虛則眼淚下流。痰門通肝。肝風則冷淚常出。

白睛屬肺肺熱則赤脈繫白輪上下險屬脾脾風則拳  
毛倒睫大小皆屬心心熱則攀睛努肉眼有五輪外應  
五行木火土金水內應五臟肝心脾肺腎五輪者風血  
肉氣水八廓者天地水火風雷山澤目有病患須究根  
源勿用庸醫妄行鉤割夫人好施丹藥脾胃損傷終夜  
憂思精神耗憊或膽中受熱或肺上受寒或食五辛太  
多或縱七情過甚或觀星望月或近火衝燥故使三焦  
受熱致令兩目失明或迎風多淚或視物如烟或觀空  
中如雲霧或視太陽如濁水五臟虛耗夜夢鬼交眼前  
時見黑花遠亂黑輪常如白霧昏蒙臣竊憫之

陛下戒之。今按本草製成仙方能養性安神。搜風明目。却熱除邪。修肝補腎。雖速年內障而可明。治近日赤腫而卽去藥共二十九味。名曰還睛丸。修之奇異。右君臣佐使之功。製不尋常有蒸炮剉煉之妙。不問老幼陰陽卽見光明清白。恭惟

皇帝陛下修凝道德。攝養精神。端居九重之中。明見萬里之外。固不賴於此藥。亦可保於未然。伏願普頒。百姓請嘗試之。俯賜羣臣。必臻捷効。無任瞻

天仰

聖激切誠虔之至。謹錄其方。隨表拜



聞進以

還睛丸

治遠年近日一切目疾內外翳障攀睛努肉瞶眩  
風眼及年老虛弱目昏多淚迎風冷淚及視物昏

花久成內障此藥最能降虛火  
升腎水若久服之夜能讀細字

人參

杏仁

泡去皮尖

肉蓯蓉

酒洗焙乾

杜仲

酒洗炒

牛膝

酒洗

炒石斛

枸杞子

各一兩

犀角

銼細末

應風

各八錢

菊花

去梗

葉兔絲子

酒煮焙乾

當歸

酒洗

熟地

酒洗焙乾

黃蘗

酒洗炒

青箱子

枳殼

麩炒

白茯苓

乳蒸晒乾

蒺藜

杵去刺炒

羚羊角

銼細

末草決明

山藥

各一兩

天冬

去心焙乾

麥門冬

去心焙乾

生地酒洗炒各三兩

芍藥酒洗

黃連

酒洗炒

五味子

敲破

焙乾

甘草

炒各知母 酒炒  
七錢 二兩

右除犀羚角末另入餘爲細末。煉蜜爲丸。如桐子大。每服四五十九。空心鹽湯送下。一方內無當歸。肉蓯蓉。杜仲。黃栢。知母。亦名固本還睛丸。

### 金鍼辨義

古人云。金鍼者。貴之也。金爲五金之總名。銅鐵銀錫皆是也。本草云。馬啣鐵無毒。可作鍼。以馬屬午。屬火。火剋金。能解鐵毒。故用以作鍼。

### 煮鍼法

煮鍼一法。素問原無。今世用之。欲溫而澤也。是法有益。

而無害。故從之。

危氏書。甲烏頭巴豆各一兩。硫黃麻黃各五錢。木鱉子烏梅各十個。將鍼入水於砂鍋內。或罐內煮一日。取出。再以砂罐內用沒藥乳香當歸花蕊石各五錢。又如前水煮一日。取出。用皂角水洗。再於犬肉內煮一日。仍用瓦屑打磨淨。端直。在子油塗之。常近人氣爲妙。

金鍼式

金鍼柄以紫檀花梨木或犀角爲之。長二寸八九分。如弓絃粗。兩頭鑽眼。深三四分。用上好赤金子。抽粗絲長一

示用乾麩調生漆。簌入柄眼內外。餘六分許。畧尖不可。  
太鋒利。恐損瞳神。以鷲毛管套收。平日收藏匣內。臨用  
俱於佛前。無有不驗。此親樹王菩薩神鍼也。

### 用水法

凡撥金鍼之時。須看患目者之少壯老肥瘦。若氣盛者。欲  
行鍼之際。前二三日。先服退氣散血之劑。數服。平其五  
臟弱者。不必服之。臨撥。新汲井水一盆。放於桌上。令患  
目者對盆就洗。醫家側坐。以手蘸水。頻頻於眼上。連眉  
稜骨淋洗。使眼內膈脂得水。乃疑。以洗透。數十遍。冷定  
睛珠爲度。然後用鍼。庶幾隨手而下。并不粘滯矣。

撥內障手法

凡撥眼要知八法。六法易傳。惟二法巧妙。在於醫者手眼。心眼。隔垣見症。手法探囊取物。方得其法。臨撥先令患者以水洗眼。如水使血氣不行爲度。兩手各握紙團。端坐椅上。後用二人將頭扶定。醫人先用左手大指二指。分開眼皮。按定黑珠。不令轉動。次用右手持金針。如撥右眼。令患者視右方好。下鍼。庶鼻梁骨不礙手。離黑珠與大眥兩處相平分。中慢慢將針插下。然後斜向針首。至患處。將腦脂撥下。復放上去。又撥下來。試問患者。看見指動。或青白顏色。辯別分明。然後將腦脂送至大眥。

近開穴處護脂水內盡處方徐徐出針不可早出恐腦脂復還原位撥左眼視左銳背。

凡行針須用朔望對神祈佛通其鄉貫姓名敬祝用針者亦逢朔望念咒七遍書符一道封針臨用必先齋戒設供香燭之類又書符一道取太陽神光接其眼光亦念咒大叫救苦救難南海觀世音菩薩其針自轉令用針者心膽大開不驚先書後三光符下針宜天氣晴明用開成除收日忌子日。

### 開針三光符

書符默念取日光接神光明目光

咒曰




清淨眼紫金燈洒酒水離黃沙滿藏經千手千眼于龍王  
文殊大士騎獅子普賢菩薩鵝象王日神夜裏雲膜內障  
盡消除強中強吉中吉婆羅會上有利眼中一切得光  
明清淨般若波羅蜜。

封針符

封眼法

預收芙蓉半老綠葉晒乾爲末。用井花凉水調勻。以綿紙剪圓塊如茶鍾口大。先將敷藥敷眼上。肩稜骨及下眶以紙一層封貼藥上。又上藥一層。蓋紙一層。封定。俟將乾。以筆蘸水潤之。日夜數次。夏月倍之一日一換。仰面而臥。若將針眼向下。就枕防腦。脂從上復下也。起坐飲





食大小二便俱宜緩不可用力震動三日內只用溫和  
稀粥爛熟餚饌不可震動牙齒三日後開封視物服藥  
靜養而已

針後若目疼痛急取生艾或乾艾同生葱各半共搗銅鍋  
內炒熟布包熨太陽穴三五次卽止○若瞳神有油氣  
不清當平肝氣用檳榔枳殼柴胡之類○作嘔吐用藿  
香淡豆豉薑製厚朴半夏之類○火旺體厚者宜清火  
順氣消痰用黃連枳殼檳榔半夏麥冬瓜蒌之類○老  
弱者用茯神熟地枸杞麥冬棗仁貝母白朮橘紅五味  
子白芍當歸之類○針後忌用川芎恐行血作痛○太

陽頭疼用防風白芷羌活者膏之類痛甚用炒鹽熨之  
○若白睛赤用柴胡紅花赤芍歸尾梔仁桑皮防風之  
類○瞳神微散用白芍五味子麥冬茯神人參當歸酸  
棗仁之類○受熱致瞳神細小者用寒水石當歸黃連  
麥冬芫薺子柴胡炒梔仁之類○若障復朦宜服平肝  
順氣之劑其障自退如不速退復再針撥亦可。

退氣散血飲

大黃

當歸身

乳香

沒藥

連翹

川山甲

白芷

各等分

右剉劑白水二鍾煎至八分去滓食遠服。

愚按此症乃濕熱鬱積蒸燂腦脂下垂故珠內有膜遮蔽瞳仁之光猶如布幔懸於明窓之內外人雖見其窓似明若和窓內有幔懸掛則不明也但今人以訛傳訛皆謂瞳仁反背其訛相傳已久一時難以正之當知此症惟用金針入珠內撥去脂膜頃刻能明此論惟可與知者道難與俗人言也謹辨之以爲後人垂鑒

右龍木論金針開內障大法謹按其法初患眼內障之時其眼不痛不澀不癢頭不旋不痛而翳狀已結成者必俟歲月障老始宜金針撥去其翳如撥雲見日而光明也今具其畧於後

開內障圖

圓翳

初患時見蠅飛花發垂嚙薄霧輕烟先患一眼次第相牽俱圓翳如油點浮水中陽看則小陰看則

大金針一撥即去。

滑翳

翳如水銀珠宜金針撥之

澀翳

翳如凝脂色宜金針撥之

淨翳

藏黑睛之深處細看方見宜金針撥之。

橫翳

橫如劍脊兩邊薄中央厚宜針於中央厚處撥之以上五翳皆先患一目向後俱損初患之時其眼

痛澀頭旋額痛雖宜針撥先須服藥獨偃月翳棗花翳黑水凝翳微有頭旋額痛只宜針輕撥之

冰翳

初患時頭旋額痛者眼臉眉稜鼻骨痛目內赤色先患一目向後翳如冰凍自也宜於所經過脉針

其胸穴忌出血且針撥動不宜強撥

偃月翳

初患時微微頭旋額痛先患一目次第相牽俱損翳一半厚一半薄宜針先從厚處撥之。

棗花翳

初患時微有頭旋眼溜自中時時癢痛先患一眼向後俱翳週圍如鋸齒輕輕撥去莫留短腳

兼於所遮之經針灸其膻

散翳

翳如雲點作青作白宜針撥之。

黑水凝翳

初患時頭旋眼溜見花黃黑不定翳凝結青色宜針撥之。

驚振翳

頭脈被打染惡血流入眼內至二三十年成翳翳白色先患之眼不宜針牽損後患之眼宜針

撥之。

雖不痛不癢其翳黃色紅色者不宜針撥翳破散者不

宜針撥中心濃重者不宜針撥撥之不動者曰死翳忌

撥獨白翳黃心宜先服藥後針之若無翳者名曰風赤

不宜針之

白翳黃心

翳四邊白中心黃者先服遂翳散次針足經  
所過諸穴後用金針輕輕撥或先損一目向

後俱損

烏風

無翳但瞳人小三五年內結成翳青自色  
不宜針視物有花爲虛宜菜補不宜藥瀉

肝風

無翳眼前多見虛花或白或黑或赤或黃或  
一物見二形兩眼同患急宜補治切忌房勞

五風變

初患時頭旋頰痛或一日先患或  
因嘔吐雙目俱暗瞳子曰如霜

綠風

初患時頭旋額角偏痛連眼瞼眵及鼻頰骨痛眼  
內痛澀先患一眼向後俱損無翳但見花或紅或

黑

黑風

初患時頭旋額偏痛連眼瞼兩頰骨痛眼  
痛澀先患一眼向後俱損無翳眼見黑花

青風

初患時微有痛澀頭旋腦痛先患  
一眼向後俱損無翳勞倦加昏重

雷頭風

初患時頭旋惡心嘔吐先患二目次第相牽俱變傷瞳神或大或小筵脂結白

角針忌日

見本卷

推逐日按時尻神所在當忌

凡用針灸鈎割俱宜忌犯

子時在踝

丑時在頭

寅時在耳

卯時在面

辰時在口

巳時在乳

午時在脚

未時在腹

申時在心

酉時在背

戌時在腰

亥時在殿